

www.BibleForChildren.org



Juan 14



Tan catyí ra Jesús: –Ña caca xaan iñi ndo. Ts̄inu iñi ndo tsi Nyoo, tan ts̄inu ndih̄i iñi ndo tsi yu. Vehe Jutu yu cuaha xaan nu coo ndo iyó. Tun tsatyin ñavin tacan, tsa naha catȳi tuhun yu tsihin ndo. Tan cua cuhun yu cua janduvaha yu iin nu coo ndo.



Tsa yahā tsa cahun yu janduvaha yu nu coo ndo, tan
cua quitsi nyico yu inga tsaha, quitsi naquihin yu
tsi ndo tyn cuyucu ndo nu cua cunyaa yu.



Yuhu ra Juan cuví yu yañi ndo. Tan iin caa ñi nyehé
yu tundo ho tsihin ndo, tan ndacá ñaha Nyoo
tsi yo, tan iin caa ñi cunyee xaan iñi yo

náa cuví tsi yo tyin
jatyinyeé ra Jesucristo



tsi yo. Nyíí yu vehe
caa ñuhu Patmos tsa
canyíí mahñu ndutya
ñuhu.



Nyíí yu vehe caa tsa cuenda tsa caahán yu tuhun
Nyoo tsa jacuahá ra Jesucristo.




Tan juvin ñi cuhva can tan tuv̄i iñi yu tsa nyaá Tatyí li Nyoo tsihin yu. Tan nyehē yu nyaá iin tyayu nda gloria. Tan nu tyayu can nyaá iin ra nyaá.



Tan tsiñi tucu yu tsa caahán tandihi tsa javaha Nyoo;
tandihi tsa iyó andivi, tan nu ñuhu ñayivi, tan tsitsi
ñuhu, tan tsitsi ndutya ñuhu; tan
catyí tsi naha tsi: Cahnu xaan
cuví ra tsa nyaá nu tyayu. Cahnu
xaan cuví ra Mbee Ticatyí
Tan tunyee iñi
tsa iyó tsi ra
naha ña cua
cundihi maa
tsa iyó
tsi.




Tan taahán tsi tsa jacahnu yo tyaa yahvi yo tsi ra naha
tacan ñi maa –catyí tandihí
tsa javahá Nyoo.



Yuhu ra Juan nyehē yu ñuu ii tsa cuví Jerusalén tsa
tsa queē nda nu nyaá Nyoo andiví, nyehē yu nuu tsi.
Tan sñi xaan caá cucutū tsi tumaa cucutú iin ñaha cua
tindaha. Tan tsiñī yu iin ndusu ñihi tsa quitā nda andiví,
tan catyí tsi: –¡Nyehē jihna! Iyó Nyoo mahñu nyiví.

Cua coo
ra tsihin ñi.
Maa ñi cua cuvi
ñi nyiví ra. Tan
cua cunyaa ra
tsihin ñi, tan cua
cuvi ra Nyoo
cuenda ñi.



Tacan tan janahá ángel can iin yutya cuii xaan tsi yu.
Ndutya tsa tsahá tsa coo nyito yo cuví. Cuii xaan tsi
tumaa cuii iin yutyi vaha. Tan quitá ndutya can nuu
nyaá tyayu Nyoo tan nu nyaá ra Mbee Ticatyi Luhlu.



Ña tsiñí ñuhu tsa jandunditsín ñicanyii ñuu can tan ndi tsa jandunditsín yoo. Tyin juvin ñi maa tsa nditsin Nyoo tan tsa nditsin ra Mbee Ticatyi Luhlu jandunditsín tsitsi ñuu can.




Maa tyin ña cua cuvi quihvi tsa caquiñi, ndi intuhun nyivi javahá tsa caquiñi, tan ndi ñi vatya. Intuhun ñi maa nyivi iyó sivi nu libru ra Mbee Ticatyi Luhlu cua cuvi quihvi, tan cua coo nyito tsihin ra tacan ñi maa.



Juvin ñi maa ra cua nacuhva ndutya nuu ñi. Ña cua
coo ca tuhun tsiihí tan ndi tucuihya iñi. Ña cua vacu
ca nyivi tyin ña cua nyehe ca ñi
tundoho. Tan ña cua nyehe ca ñi tsa
uhvi. Tyin tandihí tsa tsicoo, tsa
tsindhí tsi –catyí ndusu can.




Nduve maa tsa ña vaha cua coo ñuu can tyin ican nyaá tyayu Nyoo nu nyaá ra tan cua cundaca ñaha ra tsihin ra Mbee Ticatyí Luhlu. Tan cua jacahnu nyivi yihí cuenda ra tsi ra. Tan cua nyehe tsihin nuu ñi tsi ra. Tan cua cunyaa sivi ra nutyaan ñi.




Tan nyehē yu tandih̄i añima nyiv̄i tsih̄i, tahan ñi nyiv̄i tsahnu tan nyiv̄i nyihi, nyecú nyityi ñi ityi nuu Nyoo.

Tacan tan nuñā libru tsa nyaá tandih̄i tsa javahā ñi quiv̄i tsicoō ñi. Tan nuñā tucu inga libru nu nyecú siv̄i nyiv̄i tsa cua coo nyito tsihin Nyoo.


Ndiȳi can cua cutuñi ñi tsa cuenda náa ndih̄i ca tsa javahā ñi tsa nyaá nu libru can. Juv̄in ñi ican jacuh̄un ra tsi nyiv̄i tsa nduve siv̄i nyaá nu libru nu nyecú siv̄i nyiv̄i cua coo nyito tsihin Nyoo tacan ñi maa.



Tatyí li Nyoo tan nyiví yihí cuenda ra, ñi tsa cuví tuma
ñasihi ra Mbee Ticatyi Luhlu, catyí ñi tyehen: –Naha ñi,
Jutu Mañi yu –catyí ñi. Tan nyiví tsa tsiñi tuhun ihya, na
catyi ndihi ñi: –Naha.



Tan nyivi na ityi iñi tan tandihĩ nyivi cuñí quitsi, na quitsi
ñi tan coho ñi ndutya tsa tsahá tsa coo nyito añaĩma yo,
tan nduve náa cua tyahvi ñi.



'Nyoo cuñí xaan ra tsi tandihí nyivi iyó
nu ñuhu ñayivi. Yacan cuenda tsaha ra
tsa cúu Sehe mañi ra nu cruu tsa
cuenda ñi. Tyin tacan tan tandihí ñi
tsa tsinú iñi tsi Sehe ra, ña cunaa
ñi, tan coo ñi ñayivi nyito
tsa ña cua naa
maa.



Romanos 3:23 Tandihi yo tan iyó cuatyí yo, tan tsa cuenda yacan ña cuvi quihvi yo nu ndacá ñaha Nyoo.

Romanos 6:23 Nyivi tsa javahá tsa caquiñi, cua cúu ñi. Maa tyin Nyoo tsahá maa ra ñayivi tsa ña cua naa maa coo yo tsa cuenda tsa iin ñi cuví yo tsihin ra Cristo Jesús, Jutu Mañi yo.

Hebreos 9:27 Tumaá cua tahan yo: iin tsaha ñi cua cúu yo. Yaha can tan cua cutuñi yo.

Efesios 2:8,9 Tyin tsa cuenda tsa vaha tsa tsahá Nyoo tsi yo tan cacú yo. Tan ñihí yo tumañi iñi ihya jahá tsa tsinú iñi yo tsi ra Cristo. Tan ñavin tsihin tsa javahá yo tan ñihí yo can, tyin maa Nyoo tsahá can tsi yo. Ñavin tsihin tsa javahá yo tsa vaha tan cuví cacu yo. Yacan cuenda ndi intuhun yo tan ña taahán tsi cu iyo iñi yo tyin cacu yo tsihin tsa javahá yo tsa vaha.



Romanos 10:9,10 Tatun catyi un tsihin yuhu un tyin ra Jesús cuví Jutu Mañi yo, tan tsinu iñi un tsihin añima un tyin Nyoo janandoto tsi ra tsa yaha tsihi ra, cua cacu un. Tyin tsihin añima yo cuñí tsi tsinu iñi yo tsi ra Cristo tan cuvi nduvaha yo nuu Nyoo, tan tsihin yuhu yo cuñí tsi catyi yo tyin tsinú iñi yo, tyin tacan tan cacu yo.

Juan 3:16,17 'Nyoo cuñí xaan ra tsi tandihí nyivi iyó nu ñuhu ñayivi. Yacan cuenda tsaha ra tsa cúu Sehe mañi ra nu cruu tsa cuenda ñi. Tyin tacan tan tandihí ñi tsa tsinú iñi tsi Sehe ra, ña cunaa ñi, tan coo ñi ñayivi nyito tsa ña cua naa maa. Tyin Nyoo jaquitsi ra tsi Sehe ra nu ñuhu ñayivi tyin jacacu ra tsi nyivi, tan ña jaquitsi ra tsi ra tsa jacunaa ra tsi ñi.



1 Juan 5:11-13 Tan tyehen caahán Nyoo tsihin yo: Catyí ra tyin tsaha ra ñayivi nyito coo yo tan ñihi yo itsi tatun tsinú iñi yo tyin ra Jesucristo cuví Sehe ra. Nyivi iyó Sehe Nyoo añaima, iyó ñi ñayivi nyito. Tan nyivi nduve Sehe Nyoo iyó añaima, ña iyó ñi ñayivi nyito. Tyaá yu tuhun ihya tsa cuenda nyooho tsa tsinú iñi tsi ra Jesús Sehe Nyoo, tyin tacan tan coto ndo tyin tsa iyó ndo ñayivi nyito tsa ña cua naa maa.



Juan 14 II Corintios 5; El Apocalipsis 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Mixtec, San Juan Colorado NT (mjc) © 1994, Wycliffe Bible
Translators, Inc. All rights reserved.

<https://live.bible.is/bible/MJCWBT/MAT/1>

©2025 Bible for Children, Inc.

www.M1914.org

www.bibleforchildren.org

